

## Universitätsbibliothek Paderborn

**R. P. Richardi Arsdekin Soc. Iesu S. Theol. Professoris  
Theologia Tripartita Sive Resolutiones Polemicæ,  
Speculativæ, Practicæ, Controversiarum, & Quæstionum,  
etiam recentissimarum, quæ in Schola, & ...**

Missionarijs, & alijs animarum Curatoribus, & Theol. studiosis solerter  
accommodatæ ...

Complectens copiosè Resolutiones Theologicas, etiam modernas, ad  
proxim accommodatas

**Archdekin, Richard**

**Antverpiæ, 1682**

§. 3. Quomodo distingui debeat Numerus peccatorum.

**urn:nbn:de:hbz:466:1-40873**

266 Pars 3. tract. 3. cap. 2. De Integritate Confessio-  
nem tendi omnia mortalia , & eorum circumstantias,  
expressè addit , que speciem mutant , ergò satis in-  
sinuat circumstantias non esse confitendas que  
speciem non mutant. Imò hoc ipso quo dubi-  
tatur , an Christus talem confitendi legem vo-  
luerit inducere , pœnitens deobligatur ; ex illo  
principio , lex in dubio legis latæ non obligat ,  
ut ostendimus supra part. 3. princ. 5.

Hinc qui furatus est simul centum florenos  
satisfacit dicendo commisi furtum mortale : qui  
simul pluribus detraxit , commisi gravem de-  
tractionem , &c. Quia furtum v. g. decem ,  
aut centum florenorum manet intra eandem  
speciem furti mortalis , et si unum sit multò gra-  
vius altero. Si tamen Confessarius interroget  
de quantitate peccati , pœnitens debet eam ex-  
plicare ; imo consultius est , ut id semper spon-  
taneum suâ faciat : & hoc necessarium videtur si cir-  
cumstantia talis invehat censuram , vel reserva-  
tionem , vel peccatum supra modum ordina-  
rium sic augeat , ut ejus declaratio faciat ad  
necessariam pœnitentis directionem , restitu-  
tionem &c.

§. 3. *Quomodo distingui debeat Numerus pecca-  
torum ?*

17. **P**ro distinguendo peccatorum Numero di-  
cendum Actiones peccaminosas per se  
consummatas , & completas debere in Confes-  
sione distinctè enumerari: ut si quis cum eadem  
plures copulas consequenter habuit , vel si Sa-  
cerdos in statu peccati mortalis continenter  
plures Confessiones audivit , debet earum actione-  
num numerus exponi. Secùs , si actiones non  
sint per se consummatæ , sed tantùm referantur  
tanquam

Pars 3 tract. 3. cap. 2. De Integritate Confes. 267  
tanquam pars, aut dispositio ad aliud peccatum  
consuminandum. Hinc verba inhonesta, of-  
ficia, & tactus libidinosi qui præcedunt forni-  
cationem, & ad eam complendam referuntur,  
non debent seorsim exprimi. Idem dicendum  
de pluribus vulneribus quæ alicui infliguntur  
antequam occidatur.

18. Actus peccaminosi *merè intermi* censetur  
numero distingui quoties fuerunt moraliter in-  
terrupti, id est, notabili tempore cessarunt,  
vel retractati sunt, & iterum inchoari coepe-  
runt. Exempli gratiâ: Si quis per unam vel  
duas horas inhæsit turpi cogitationi sine inter-  
ruptione, est tantum unum numero peccatum;  
si autem durante illo tempore v. g. tertio cessa-  
vit integrè ab illa cogitatione, & iterum tertio  
resumpsit, censetur tria peccata commisisse in  
confessione distinctè explicanda. Item, si quis  
habuit toto die voluntatem rem notabilem fu-  
randi, quam vesperi retractavit, & iterum  
eodem die vel sequenti eandem voluntatem re-  
sumpsit, tenetur se accusare, quod bis voluc-  
tit furari.

19. Quando contingit de mortalium certo  
numero non constare, exprimendus est ille,  
quem judicas probabiliorem, addendo v. g. te-  
pescrasse decies plus minus. Quod si postea de-  
prehendas numerum fuisse majorem non tene-  
ris iterum confiteri, nisi numerum à te exposi-  
tum notabiliter excesseris. Fagundez, Hurt. San-  
chez.

Quod si nec probabilem numerum assequi  
valeas, exponenda est duratio consuetudinis  
peccandi, & frequentia lapsuum per diem, sep-  
timanam, mensem, aut annum, quantum potes  
probabi conjecturâ eam in mentem revocare.  
Diana, Filliuc, Hurt. Lugo &c.

M 2 Q:ue-

Quaritur ulterius primò.

**A**n in confessione necessariò exponenda sint peccata commissa, de quibus pœnitens positivè dubitat an sint mortalia?

Respondeo affirmativè, exponendo dubia tanquam dubia, hoc modo, dubito an plenè confenserim delectationi morosæ: dubito an comedendo semel violaverim jejunium &c. Est hæc communis Theologorum sententia, contra paucos qui pañim rejiciuntur. Et probatur ex Trid. sess. 14. c. 5. docente confitenda esse peccata omnia quorum conscientiam habemus; de peccatis autem dubiis conscientiam dubiam habemus, ergo ut dubia sunt confitenda: estque hæc quædam quasi traditio & praxis communis fidelium.

Eodem modo si quis sciat se quidem mortale peccatum admisisse, sed tamen dubitet an illud confessus fuerit, remanet obligatio peccatum illud in confessione manifestandi. Quia cum dubitetur an illi satisfactum fuerit, penes legem explicatum. Sed magis disputatur, an eadem sit obligatio confitendi, quando peccata sunt tantum negativè dubia, quam à pluribus negari fuisus ostendimus inter Controversias particulares part. 3. tract. 1. quæst. 19.

Sed quares: quid si aliquis habeat probabile indicium se non peccasse mortaliter, aut peccatum admissum à se in confessione manifestatum fuisse, etiamsi de opposito formidinem aliquam experiatur?

Respondeo, in tali casu nullam esse confi-

tendi obligationem. Quia cùm judicium probabile nitatur motivis uon levibus , potest illi illi prudenter acquiescere , juxta princ. 15. tr. 1. traditum. Si enim talis à Confessario interrogaretur , an tale peccatum admiserit , rectè responderet , se illud non commissè , etiamsi de eo formidaret : nam de iis quæ homines prudenter affirmant raro judicium certum habere possunt.

Hinc si quis habeat prudens & probabile judicium , se de more ante confessionem conscientiam diligenter examinasse , etiamsi postea oriatur formidò de aliquo peccato prætermisso , potest probabiliter judicare se peccatum illud cum cæteris exposuisse , ac proinde ad illius confessionem non amplius obligabitur.

*Quaritur Secundò.*

**A**N in Missionibus ubi est unicus confessarius , & maximus populi concursus in die solemnii v. g. Paschatis , liceat auditio uno vel altero peccato pœnitentem absolvere , uti fit in naufragio , si alias nequeat populo satisfacere ?

Resp. Negativè , etiamsi foret in die Jubilæi , aut Indulgencie Plenariæ. Quia in dicto casu non est sufficiens necessitas dimidiandæ confessionis , & maxiimi inde abusus sequerentur.

*Quaritur Tertiò.*

**A**N qui ob metum Hæreticorum non potest ad Confessarium accedere , vel qui in carcere & custodia clausus detinetur , possit sacerdotem per litteras , vel fidum internuntium Sacerdoti

279 Pars 3. tract. 3. cap. 2. De Integritate Confes.  
doti absenti peccata sua Sacramentaliter confi-  
teri, & ab eodem absente absolutionem obti-  
nere?

Respondeo Negativè, quamvis aliqui Theo-  
logi id rectè fieri aliquando docuerint. Nam  
Clemens VIII. eam doctrinam ad minus fal-  
sam, temerariam, & scandalosam damnavit,  
& sub pœna excommunicationis eam doceri,  
aut in praxim deduci vetuit anno 1602. Ne-  
que juvat si dicas illum tantum declarasse id  
fieri illicite, non autem invalidè: non enim  
rectè prohiberetur talis absolutio tanquam om-  
ni casu etiam in morte illicita, si foret proba-  
bile illam aliquo casu validam esse.

Eodem modo invalida esset absolutio etiamsi  
confessarius præsentis confessionem audivisset,  
& postea absentem per litteras absolveret.

Sed, quares, quid si aliquis per litteras, vel  
nuntium Sacerdoti absenti confessus fuisset, &  
postea ad illum in periculo mortis Sacerdos ac-  
curreret, & præsentem obsolveret.

Respondeo validè absolvi. Non enim sim-  
pliciter absensis confessionem, sed simul ejus-  
dem absolutionem Pontifex damnavit. Quod  
confirmatur ex eo quod si alii testentur, ab-  
sente Sacerdote, aliquem moribundum dedi-  
sse signa contritionis, aut confessionem petiisse,  
possit Sacerdos superveniens illum jam tenuibus  
destitutum absolvere. Quamvis autem hoc ip-  
sum aliqui negent, non repugnare tamen cum  
decreto Clementis rectè docent Lugo, Averfa  
& plures alii. Idem habemus ex testimonio  
Petri Lombardi olim Primatis Hiberniæ, qui  
tradit consultum à se de hoc casu Clementem  
VIII. respondisse, sibi propositum non fuisse  
damnare seu prohibere ne incidente simili casu

Sacra-

Pars 3. tract. 3. cap 2. De Integritate Confes. 271  
Sacramentalis absolutio impendatur. Et hoc  
Lombardi testimonium ejus manu subscriptum  
& Sigillo munitum in nostro Archivio Lovanii  
servatur.

Quaritur denique, An valida, & licita esset  
confessio illius, qui, ob verecundiam valde  
magnam, in scripto traderet suam confessio-  
nem Sacerdoti praesenti tacite legendam, &  
antea, aut postquam legatur cum debito dolo-  
re diceret, Accuso me de peccatis ibi descrip-  
tis? Communis sententia admittit validam, sed  
negant aliqui licitam esse. Docet tamen Leander  
de Pænit. tract. 5. pag. 156. citans Benzonium,  
aliosque, probabilius isto casu confessionem ta-  
lem & validam, & licitam esse. Quia pæni-  
tens sic implet præceptum confessionis etiam  
vocalis, siquidem ore, & voce fatetur pecca-  
ta ibi integrè & distinctè scripta esse sua, &  
de illis cum dolore & proposito emendationis  
se accusat, quod ad confessionis integritatem  
solum requiritur. Probat etiam id Benzonius  
q. 5. ex facto D. Basilii, & D. Joannis Elæemo-  
synarii, qui, inquit, mulieribus, de peccato  
verbo manifestando valde erubescientibus,  
mandarunt peccata scribi in charta, quâ lectâ  
remissionem peccatorum eis misericorditer con-  
tulerunt.

Hanc doctrinam accuratè examinat, & con-  
firmat Matthæus de Moya in Selectarum qua-  
stionum parte altera, edita anno 1678. pro ea  
insuper adducens Scotum in 4. dist. 17. q. unica  
ad finem Sotum, Suarez, Vasquez, Conick, Car-  
dinalem de Lugo de pænit. disp 15. sect. 5. n. 77. &  
plures alios, qui non dubitant id ex causa, etiam  
talis verecundiae, licite fieri posse.